

RÖPL.

34

15718.

CXIX. 3
SANCTISSIMI DOMI
NI NOSTRI PAPAE LEONIS DE
CIMI, VNA CVM COETV CAR
DINALIVM, CHRISTIANIS
SIMORVMQVE REGVM,

& principū oratorum cōsultati-

ones, pro expeditiōe cōtra

Thurcū, premissa tñ

dñi. A. Puccij

apostolice se

dis legati

exhorta

tiōne.



Országos Széchényi Könyvtár

42.?

1519

1578

11. 11. 123

A.PVCCIVS SEDIS APOST.LEGATVS.

MAGNIFICI AC
POTENTISSIMI DOMINI.

hoc vesperi ab vrbe per certum nūcium re
cepimus breue vnum sanctissimi.D.N.ad
magnificos & potētissimos dominos Hel
uetios quod in dieta proxime Turregi celebranda magni
cis dominis oratoribus per inclytas.D.V.huc destinandis
præsentabimus, de quo in præsentiarum nihil attinet ad E.
D.V.scribere.Recepimus item litteras sanctitatis suæ no
bis directas, quibus non sine maximo animi dolore signi
ficat seuissimum ac perpetuum Christiani nominis ho
stem Turcarum tyrannū, ex Syria atq; Aegypto, quas pro
uincias imperio suo, quod alioquin maximū & nobis for
midulosum erat, incredibili successu adiecit, rebus omni
bus (id quod minime sperabatur) cōpositis, Cōstantinopo
lim rediisse auro atq; argento onustum, ac tanta victoria
elatum, nihilq; suis perfidis conatibus iam obstare posse
reputantem, non aliud quicq; cogitare q̃ vt oriente sub
acto, reliquas orbis partes in suam teterrimam, ac nefandis
simam seruitutem redigat. Propterea q̃ vltra validissimam
classē illam quā superiori anno parauerat, aliam non mi
norem instruere, insuperq; terrestres exercitus copias nu
mero ingentes, ac robore validas colligere, quibus non Ita
liā modo (cui semper inhiauit) sed vniuersam quoq; Chri
stianitatem subigere possit. Quēdam præterea oratorum
suum Venetias proxime misisse, eo quidē prætexi vt de
victoria contra Soldanum parta, cum republica illa sibi cō
fœderata gauderet, timiri aut, ne alio tendunt consilia sua,
Cū ciuitatis illius formam, ac situm ex quadam altissima
turri speculari. Patauium quoq; videre, & cuncta ciuita
tis illꝝ propugnacula curiōsissime rimari voluerit, Quasi
ea omnia a suo Tyranno sint expugnāda quæ alijs in expu
gnabilia fuisse cognouerit. Recepimus præterea a præfæ

to sanctissimo. D. N. exemplar discussionis factæ per sanctitatem suam cum venerabilibus fratribus sanctæ Romane ecclesiæ Cardinalibus, ac singulis Christianorum principum oratoribus, atq; ad omnes eorum reges principesq; transmisisse de huiusmodi sancta ac necessaria expeditione contra perfidum ipsum Turcarum tyrannum sumenda, qua quidem plures articuli continentur. Primo, vtrum hoc bellum sit suscipiendum. Secundo, vtrum offensivæ an defensivæ suscipiendum. Tertio, quamnam huiusmodi bellum possent impedire. Quarto, bellum ne per omnes principes gerendum sit an per aliquos? & quosnam illos. Quinto, quæ apparatus tati belli sint necessaria. Sexto & ultimo, quomodo bellum administrandū sit, videlicet terra an mari, an simul terra & mari, an diuisis partibus aggrediendus sit hostis, vel vno potius impetu, an totis insimul viribus impetendus. Quantum ad primum conclusum est, omnino suscipiendum esse, cum noster æternus atq; idem potentissimus hostis maximos apparatus fecerit ac facere nō desistat, vt miseros Christianos (miseros inquam nō tantē tot diuinis monitionibus excitati incipiāt sapere quæ Christi sunt) statu regnis fortunis bonis omnibus vitæq; ipsa exturbet atq; expoliet. Quo ad secundum pluribus rationibus visum est bellum potius offensivæ suscipiendum quā defensivæ gerendum. Quo ad tertium, licet plura in considerationem venerint, vnum tamen præcipue consideratū est, quod tam salutare tamq; necessarium bellum nō aliud magis impedire aut retardare posset, q; discordia Christianorum principum. Huic impedimēto tollendo duo sunt remedia excogitata. Primum, q; generales omnino induciæ ad annum saltem ac donec bellum hoc sanctissimum perdurant, ac sex menses ultra, intercedente omnium Christianorum principum iuramento, ac etiā sub ecclesiasticarum censurarum anathematis priuationisq; regnorum bonorū privilegiorū ac iurium penis sanciantur. Secundum, atq; id sanctius & vtilius visum est, q; vna sc̃ta fraternitas Christianorum principum cum Romano pōtifice eodem iuramento vallata, eisdemq; censuris & penis contra eam vio-

lantē efficiatur eaq; fraternitas sancte cruciate denominetur. Quo ad quartum, cū numerus ducū qui pari potestate sint præditi in tā magno exercitu, neq; necessarius, neq; utilis futurus apparuerit, & tamen propter humanos casus duos saltem potentia auctoritateq; magna præditos mutuaq; inter se charitate deuinctos tam valde moli sustinende præesse debere iudicatum fuerit, visum est q; Cæsarea maiestas, & christianissimus Fræcorum Rex qui vltro ad hoc se obtulerunt, tantum subeant onus. Quantum ad quintum, tria tanto bello ineundo necessaria visa sunt. Primo, q; placationes diuinæ maiestatis, ac erga populum suū Christianum ieiunijs orationibus elemosynis, alijsq; pietatis ac iusticiæ muneribus fiant. Secundo, q; ratio pecuniarū (quæ bellorum nerui merito nuncupantur) opportune provideatur. Quæ summa vsq; ad octuagies centena milia, id est, vt vulgo dicitur octo milioes ducatorū ascendit, cui quidem comparande, plures etiam modi fuerūt excogitati, vt corā magnificis dominis oratoribus latius explicabimus. Tertio, q; militares copię disponantur, quæ sexaginta milibus peditum ex Heluetijs, Germanis, Hispanis, ac etiam Bohæmis, necnō quattuor milibus cathafractorum equitum ex Gallis Italiscq; ac duodecim milibus equitum leuis armaturæ ex Hispanis, Italis, Dalmatis, atq; Græcis cōstiti re debeant, classis præterea, tum pro exercitu trañciendo, tum pro comeatu supportando paranda sit. Ad quam parandam & disponendam pontifex, Veneti, ac Ianuenses ex Italia. Ex prouincta autem & Britannia Galli. Ex Hispania & vtracq; Sicilia, Hispani, Anglicq; & Portugallie reges ex regnis suis, optimam hominum nauiumq; copiam ad ministrabūt. Quo ad sextum & vltimum de modo administrandi huius belli tria consideratione digna sunt habita. primo, q; terra mariq; hostis sit inuadendus. quodq; maritime classis prefecti & duces sint Angliæ & Portugallie reges. Quod si Anglicus ob regni sui distantiā adesse nō possit, tunc rex Portugallie maritime expeditioni præficiatur. Secundū sed q; nō diuisis, sed cōiunctis insimul viribus inuadatur hostis. Tertium, q; terrestres copię vna cum Cæsarea

Anconæ Brundisiumq; contineant, vnde satis & brevis
& comodus in Epyrum & Græciam est traiectus. Hoc ac
maiestate, atq; christianissimo rege Francorum ad ciuitatē
longe alia plura in præfato exemplari continetur quæ præ
nimia tēporis angustia ad magnificas. D. V. in presenti scri
bere non possumus, sed cum ea omnia in proxima dieta
eisdē. D. V. quāto animi possum⁹ affectu debem⁹ rogam⁹
vt pium, vt paternū, vt sanctū hoc Romani pontificis Leo
nis decimi patris pastoris confederatq; vestri desiderium
nō contemnatis, vos etenim estis Heluetij de quibus San
ctitas sua plura optat, plura sperat, plura etiā sibi pollice
tur q; de quacūq; quæ sub cœlo est natione & gente. Tum
ratione confederationis qua mutuo alter alteri deuincti
obnoxij cōstrictiq; estis, Tum respectu illius gloriosissimi
tituli quem tanta fide, tanto pietatis ardore, tanto libertatis
ecclesiasticæ defendendę zelo vobis, ac vestræ posteritati
in perpetuū comparastis. Quæso rem adeo grandem, atq;
ita vniuersæ Reipublicę Christianæ pernecessariam inspi
cite, examine, perpēdite. Et vt semper alias, ita etiā nūc
in tanto rerum articulo vos nō solum ecclesiæ defensores
sed vniuersæ Christianorum salutis authores ostēdite, cū
præsertim ceteri omnes alij Christiani principes, & se &
sua omnia offerant, polliceantur, exhibeāt. Inprimisq; San
ctissimus dñs noster Leo decimus per has suas præsentēs
litteras significet se omīno decreuisse, huic tam magnę, tam
necessarię, ac saluberrimę expeditiōi personaliter interesse,
vt Christiani omnes re ipsa sentiant & agnoscant Sancti
tatem suam more pij patris fidelissimq; pastoris, ne dum
substantiam omnem, sed propriam quoq; vitam pro tuen
dis atq; saluandis Christianis ouibus exponere paratum
esse. Qua de re licet nobis ipsi firmissime persuaserimus.
E. magnificas. D. V. & ea peditū summa quę in fœdere cō
tinetur Sanctissimo domino nostro cōfederato suo omni
no prouisuras, atq; eo promptius ac libentius, cum nunc
non de re tantum Romani pontificis, sed de totius Reipu
blicę Christianę summa, cuius vos precipua, ac nobilissi
ma mēbra estis, agatur. Speramus tamen, E. D. V. aliquid

etiam vltra amore Iesu Christi, qui sacratissimum suū cor
pus, ac preciosissimum sanguinem in nostram redemptionē
nō obtulit, atq; effudit sua sponte esse facturas. Ex eo nāq;
die quo in Heluetiā peruenimus vestrū in sedē apostolicā
Ro. ecclesiā orthodoxamq; fidem, studiū atq; ardorem
nūcq; satis perspicere & admirari potuimus. Itaq; easdem.
D. V. Iterum atq; iterum rogamus vt eodem studio ardo
re, ac zelo propagandę Christianę fidei accuratis, quo de
fendendę olim sponsæ suæ ecclesię occurristis. Et bene va
lete Turregi, die sexta Decembris. M.D. XVII.
Ad E. D. V. mandata.

Paratissimus. A. puccius cum potestate Le
gati de latere Mucius. A tergis Magnificis
ac potentissimis dominis dñis Heluetijs li
gę magnæ superioris Germaniæ tanq; pa
tribus Hon.

CAPITVLA.

PROPOSITA & tractata in con
sultationibus Sanctæ expeditionis, quæ
ad principes mittenda visa sunt eorum
quoq; prudentia & consilio examinan
da, si quid addendum minuēdum cor
rigendūq; videatur actum Romæ Die.
xij. Nouembris, M.D. XVII.



NOMINE

NE AMEN. Quia magnis rebus administrandis recta cōsilia antecedere oportet, & prius consulto opus est, mox ubi cōsulueris mature, factio. Idcirco consultatio nes habitas de maxima & maxime necessaria expeditiōe contra Thurcas, quibusdam capitulis ordine subiectis explicabimus.

Ac primum.

An hoc bellum sit suscipiendum?

Si suscipiendum, defensionem ne, an offensiuum?

Quæ belli susceptione impedire posse videantur, et quomodo ea dimouenda?

An bellum susceptum per omnes Christianos principes gerendū, an per aliquos tantū, & per quot, aut quos?

Quanto apparatu bellum hoc instrui & geri conueniat: ac de rebus ad huiusmodi apparatus necessarijs. Primo de reconciliando deo, secundo de pecunijs, tertio de copijs militaribus.

Quo ad pecunias quomodo cogendæ, quæ satis esse possint, & per quos custodiendæ, ac dispensandæ?

Quo ad militares copias, ex quibus potissimum nationibus, & quem ad numerū, tam equestres, quam pedestres assumende sint, & hæc ad belli apparatus pertinet.

Ad consultationem vero & administrationem belli gerendi. Primo qua via eundem sit aduersus hostes, Terra ne an mari, an utroque modo? Secundo an diuiso in partes exercitu & terrestri & maritimo, an viribus in vnum coactis? Tertio quo itinere & terra milites ducendi & mari transiendi? Quarto ubi conuenire in vnum exercitus, & quæ primum aut potissimum loca hostium debeant inuadere? Quinto quæ prouidenda, ut comeatus necessarii nostris exercitibus suppeditentur?

Erunt & alia duo extrinsecus, ad huius bellirationem, vel necessaria, vel vtilia.

Primum ea quæ hoc bello acquiruntur (si deus affuerit) quod

inter Christianos principes, & quorum iudicio diuidenda, & ante bellum ne, an post, ut cause litium amoueantur? Alterum, an aliquis infidelium principum sibi metuens, suspectam habens Thurcæ potentiam, sit ad huius belli partem capessendam, ex suo latere per nos incitandus? Præmissimus capita rerum quæ in consultationem veniunt per ordinem, nunc singulis eodem ordine explicandis nostram sententiam accommodabimus.

Primum an hoc bellum sit suscipiendum.

Hoc non videtur cadere in consolationem, non enim iam est in potestate nostra, cum noster æternus & idem potentissimus hostis, maximos apparatus fecerit, faciatque ad nos & statum, & fortunas, & vitam ipsam exturbandos, ac spoliandos, palamque iactat, valde velociter se orientem modo subegisse, nunc statim ad occidentem arma conuertere, nec sit nisi vniuersa Christianitate capta, villo modo quieturus, ut nos aut dare illi gratis nostrum sanguinem, aut ferro cum eo decertare oporteat. Nullum igitur habet locum consultatio, ubi interuenit necessitas.

Secundum suscipiendum ne bellum offensiuum, an defensionem?

Ne hoc quidem valde dubitandum est, quin longe melior sit conditio inferentis bellum, quam propulsantis. Primum quia aggredi ultro hostem, maioris est & animi & auctoritatis, quam illius impetum expectare. Cum etiam aduersarii animus eo magis minuatur, quo magis viderit, audere contra quem decertaturus est. Deinde si quid debile aut infidum est in statu inimici, id data occasione detegitur, qualia multa profecto in statu Turcarum si eo nostri exercitus peruenerintprehenduntur, quæ & pro nobis valde, & contra illos facient. Postremo ciuitates & populi externo bello perturbati, de salute sua cogitant, nec habent spacium ad ea comparanda, quibus hostis in suis regionibus vexetur, attamen hæc incommoda, cum hostibus im portantur, inferendo ultro bello, tum a nostris remouent, possunt & alię plures rationes adduci, quare inferre bellum vilius sit, sed hæc faciles cogitatu sunt. Duo tamen in bello

offensiuo diligenter animaduertenda sunt. Primum vt his viribus contra hostem eatur, quibus ille opprimi debeat. Deinde vt periti locorum atq; hostium, ad omnia belli consilia adhibeantur. Sed hæc & alia multa, prudentiam ducū & vigilantiam non fallunt.

Tertium quæ impedire hoc bellum possent, & quomodo ea dimouenda?

Essent enim impedimento maximo, dissensiones & discordiæ (quod deus auertat) Christianorū principum inter se, si quæ nunc sunt, aut si quæ postea exorirentur. Ad quod malum exitiale, tanq; semen Sathanæ penitus ejiciendum, pax quidem optanda, sed generales omnino induciæ, saltem ad annum, ac deinde donec hoc sanctissimū bellum māserit, ac eo finito, ad sex menses faciendæ sunt, quæ omniū principum religiosissimo iureiurando sanciantur, ac omniū ecclesiasticarum censurarū anathematiscq; priuatio niscq; quoq; regni, bonorum, priuilegiorū, iurium poenæ muniantur, vt qui eas laferit, hostis publicus dei & fidei Christianæ sit, appellec; dictascq; poenas ceteri ab eo principes repetere debeant. Si quæ vero oriatur cōtrouersie, aut per Romanum pontificem, ac sacrum Cardinaliū collegium decidentur, aut post finem belli differantur. Esset etiam fortasse sanctius & vtilius, vt fieret vna Sancta fraternitas principum, cum Romano pontifice, iuramento votoq; vallata, sub eiusdem censuris & poenis cōtra eam violentiam, iurarentq; omnes & obligarent se, ruptorem huius fraternitatis se communiter armis persecuturos, appellareturq; ista, fraternitas Sanctæ cruciatę.

Quartum an bellum gerendum per omnes principes sit, an per aliquos tantum, & quos?

Scribitur in actibus apostolorum, q; post aduentum spiritus sancti in discipulos Christi, erat cor vnū & mens vna, hoc si in principibus Christianis maximo dei munere inesset, iam pateret dei volūtas, non solum de hac victoria, sed de vniuerso orbe terrarum, ad suam sanctam fidem conuertendo, Quod tamē per eiusdem gratiam dei, futurum confidimus, nūc vero non uidetur numerus ducū pari po-

testate, in vho exe rcitu necessarius, & tamē propter casus humanos, duos præesse conuenit, qui sunt potentia & auctoritate magni, & mutua charitate (deo auspice) coniuncti. Nec vero dubiū est, quin maxime apti ppter plurimas causas sint, Sacra cæsarea Maiestas, & christianissimus Frācorū rex, quas causas eo q; pateant nō cōmemorabimus. Sed his duobus tantum terrestrem exercitum ducētib; Et si ceteros reges ac principes, ad hunc laborem propter longinquitatem non uocamus, eorum tamen auxilia, ut quisq; cōmodius potest, vel pecuniarum, uel militum, necessaria ducimus, ad quæ cōferenda, omnes esse prompti debebūt, cum unusquisq; eorum nobilis, pars sit Christianæ Reipublicæ, deoq; acceptam referat, Regiam suam dignitatē, & in communi salute defendenda, suam quoq; & propria defendat. Omnium igitur auxilij, sed horum duorum concordii imperio & providentia, bellum hoc, recte administratū iri cōfidimus, qui duo se iā obtulerūt, simulq; mlti alij reges, principes & nobiles, suas facultates huic sanctissimæ expeditioni polliciti sunt, quorum virtutis & pietatis exemplum, (deo corda disponente) reliqui ut speramus sequentur.

Quintum de apparatu belli & rebus ad apparatū necessarijs, ac primum de dei auxilio.

Apparatus vero huius belli cū multa & magna postulet. In primis est dei auxilium pro nobis comparandum, in manu enim eius sunt omnium fines & omnium iura regnorum, sine quo nihil validum est, nihil forte. Qui quanquā nostris peccatis grauiter offensus credi potest, tamen est idem, si ad eius misericordiam compuncti corde cōfugimus, clemēs ac placabilis, qui Niniūē ciuitatē quā subuere destinauerat, propter poenitentia illius populi saluam esse permisit. Is ergo cum propter olim principū populorūq; peccata, Asiam, Graciā, Traciam, Africam, aliasq; prouincias in prædam hosti eidem concesserit, tota mente ab omnibus nobis deprecandus, obsecrandus, humilimeq; orandus est, ne nos in similem det calamitatem. Modicæ autem quibus recōcilietur deus, sunt preces diuinæ no-

Et neq; ieiunia, e'lemosynæ, sacrificia, & in primis cor cō-
tritum poenitentiaq; humiliatum, hoc enim maxime vult
deus, qui, teste propheta, nō eget alijs honoribus, nec do-
nis nostris. Reformandi igitur mores animi, ad deum con-
uertēdi, predicatorēq; passim in omnes populos qui eos
ad poenitentiam hortentur sunt mittēdi. Prælatiq; ecclesia-
stici, ut exemplo religiōis & bonis operibus, ac verbis eos
dem populos inducāt commouendi, sic enim placatus de-
us cum fuerit, nobis propicius de hoste suo, ac nostro con-
cedet victoriā.

De pecunijs secundo.

Quod ad pecunias uero, quæ nerui sūt bellī, quomodo co-
gendæ, & per quos custodiendæ, ac dispensandæ, attinet.
Pensatāda in primis huius bellī magnitudo & uires hostis
estimādæ, quæ sunt profecto maximæ, & propter latitudi-
nem imperij, accessione quoq; Aegypti ac Syriæ nuper au-
cti, & propter multitudinem militum & propter copiam
innumerabiliū (ut fertur) pecuniarum, & quia assiduis pro-
speritatibus sublatus animo ac spiritu, nihil iam nisi maxi-
mum & sperat & cogitat. Vt ergo par cōtra illum uel eti-
am superior instituaturs exercitus, ingēti opus est pecunia,
quam nos ad summā hanc estimauimus, propemodum
sat fore, si octuagies centena milia aureorū inueniatur. Hæc
autem pecuniā non difficulter redigi poterit. Primum ut
reges ipsi, ac principes Christiani ex suis uectigalibus bo-
nam partem ad hoc sanctissimum opus conferant, cum
ipsorum in primis res agatur, cum si hostis victoriā (quod
absit) habuerit, plus amissuri sint quam priuati. Qui quidē
hostis ea fertur esse natura, ut plebem quidē negligat. No-
bilibus uero & principibus odio aduersetur exicali, eorū-
q; capita in primis poscat. Itaq; quocūq; uictor se contulit,
principum stirpes penitus excidit, nobiles ad nihilū rede-
git, inaudita crudelitate horum sanguinem sitiēs. Quo ma-
gis Christiani principes de suis uectigalibus bona parte ob-
lata, uitæ & honori & statibus suis consulere debent, quā
partem nō duximus esse taxandam, sed eorū prudentiæ ac
liberalitati hoc remittendum.

Reliqua sunt duo genera ecclesiasticorum & laicorum.
Ecclesiastici omnes decimas soluant in singulos annos, uel
etiam si visum fuerit vigesima aut trigesima parte bonorū
stabilium quibus maiores redditus fuerint vendita, repre-
sentabunt semel pecuniā plurimū decimarum. Aut si
aptius uisum fuerit quodq; forsā est deliberatōe dignum
si perpenlis & estimatis ecclesiasticorum beneficiorū, præ-
sertimq; monasteriorum & cathedralium, ac metropolita-
narum ecclesiarum redditibus, tantum his relinquatur
ex fructu annuo qui eorum beneficiorum sunt possesso-
res, quod ad supplēdas necessitates mediocres etiam com-
moditates habita ratione personarum dignitatumq; sat fu-
erit. Reliquum uero omne in sanctissimum usum conuer-
tetur, in quo quasi gradibus quibusdā, iudicio prudētū est
facienda estimatio ut quāminus habēt, in annuis redditib;
tertiā soluant partē, qui plus dimidiā. Qui plurimū duas,
tertias uel tres quartas partes. Deniq; ut seruata unicuiq;
ecclesiastico portione ad cōmoditatem victus frugalis ne-
cessaria, quod super est, huc conferant quod tāto magis fie-
ri ab illis debet, quod patrimonij Christi possessores debēt
omīa deo, & eorū exemplū cateri imitaturi sint libētiusq;
sua deo oblaturi. Laici uero si nobiles fuerint & aut do-
minia aut feuda habuerint decimam, si priuati uigessimam,
si uero artifices manibus victum querentes eam partē red-
dituum suorum soluent quæ uidebitur conuenire, publi-
candæ etiam indulgentiæ sanctissime Cruciate ferentibus
opem defensionī sanctæ fidei, ex quibus si bellum fide bo-
na geretur, magne profecto pecuniæ comparabuntur. Nō
enim mortua est fides in cordibus fidelium, nec celestis pa-
tria usq; quaq; contemnitur, sed multi sunt & erunt, qui
paruo precio uitam æternam libenter ement, si uiderint se-
rio ac non simulanter pro deo pugnari. Has uero pecu-
nias nos iudicamus ita esse exigendas, ac custodiendas, &
dispensandas. Primum ut unicuiusq; Ciuitatis cum sua
diocesi ordinarius, sacerdotem vnum, & capitulum cathe-
dralis ecclesiæ alterum deputent, qui sint timentes deum
& moribus probati. Deinde dominus ciuitatis vnum ido-

neum eligat, deinde vniuersitas ciuium vñt seu duos aut ex numero ciuiū aut clericis secularibus siue regularibus vt melius iudicari constituat, qui simul omnes & exigant pecunias ad supra dictam rationem, & eas in capla aut in loco apto, cuius seorsum singuli habeant clauē diuersas, ut nullus eorū sine ceteris omnibus attingere quidquā possit, congregatas & sepositas teneant, rationemq; totius huius pecuniae in scriptis diligenter redigent, quas pecunias nemo quauis dignitate peditus sub ex cōmunicatōis latē sententiae statim incurrēde, necnō anathematis perpetuae indignationis, omnipotentis dei poenis constituēdis a quib⁹ nisi per Ro. pon. vel in mortis articulo & debita tūc satisfactiōe praeuia nō possit absolui, nefario sacrilegio audeat attingere aut aliam vllam in rem quam ad huius bellivsum couertere, vt sanctissimo huic & necessario bello deferuiāt, vel si quo casu bellum omissum fuerit, his vñ de exacte fuerint optima fide restituiāt. Quoniam autem neq; simul omnium pecuniarum summa exigi & continue in exercitu militibus stipendia solui opus est, necesse est in omni prouincia conquiri mercatores & numularios boni nominis, qui hanc assumant curam pecunias trāsmittendi, ac ubi necessarium fuerit permutandi cum honesto lucro laboris sui, quo quidem labore etiam cœlum lucrabuntur, ac singulis mercatoribus suę regiones diuidende. Ex quibus redactę pecuniae ad eos referantur, haec enim uidetur optima & custodiēdi & dispensandi ratio, Sed necessarium uidetur ad cogendum exercitum habere saltem tertiam partem summae totius quam diximus in pecunia numerata statim a principio. Postea reliquum cum cōmoditate temporis exigeretur, ac supradictō modo ad exercitum mitteretur.

De copijs militaribus tertio.

Robur omne exercituū positum est in peditatu & equitibus cathafractis, quo genere utroq; Christiani excellūt. Pedites autē sumendi sunt ex eis nationibus quae maxime huic miliciae pedestri & ordinibus seruādis studēt, ut Heluetijs, Germanis, quos lanzethinetos uocāt, Hispanis, Bo

hemis ac ex toto hoc numero scloparij mlti sūt necessarij, ppter ea q; ea quoq; parte militū qui sclopis utant, aduersarius habundat. Videtur ergo peditum fortium uirorum in exercitu necessaria ad minus sexaginta milia, catafracti uero equites Gallici optimi & Italici qui uidentur ad numerum quattuor milium accedere debere. Duodecim autem milia leuis armaturae equitum, quo uno fere milicie genere praeualeat hostis nobis dumtaxat, qui alia potiora ducimus, necessaria sunt. Ex nationibus huius studij, gna ris Hispanis, Italis, Dalmatis ac Greecis, hic terrestres exercitus bonus gubernatus consilijs, commeatum nō egens, suorum tormētorum opportunis praesidijs instructus, cū domini benedictione futurus est inuictus. In maritimo autem classis apparatu Veneti, ac lanuēses ex Italia, Galli, ex prouincia, Britania & alijs locis, Hispani a se ipsis, & ex utraq; Sicilia, Anglię quoq; & Portugallię reges optimā & hominū & nauium miliciam, ac copiam suppeditabunt ut mox dicemus.

Sextū quō consultandū & administrandū sit bellū.

Ad consultationē & administrationem belli gerēdi quod sexto loco proposueramus. Primo an sit hostis terra & mari aggrediendus, deliberandum est, Et uidetur omnino maritima quoq; classis, & ea potens, cum ducibus suis, ad bellum necessaria, cum hostis trecentas iam trirēmes paratas habeat, aliaq; quotidie nauigia parat ad traiciendos (ut nos arbitramur) equos. Ergo ecōtrario nobis classis instituenda. Primum cum dimidium belli mari geratur, dura in conditione essemus sine classe. Iam enim dimidio belli inferiores essemus, foret enim hostis dñs maris, dein de sine classe, nec cōmeatus uehi ad exercitum, nec littora & urbes nostrę defendi ab hoste possent. Tertio, magnā auctoritatis partem amitteremus si sine classe bellum gereremus, magisq; animū hostis & spem accenderemus. Postremo nec toto bello pares essemus, & frustra apparatus terrestres faceremus, si maritimos dimitteremus. Quare est omnino classis necessaria, sed ea ita potens est companda, ut hostilem classem non pertimescat, at trirēmū qui

dē numero parēs esse non possumus, sed facilis est aut certe nō difficilissima potentioris classis comparatio hoc modo triremes uidemur habituri centū, hac computatione. Rex Christianissimus in portu Massilię quā plures habet, has ut uiginti sint, poterit efficere. Totidē rex catholicus, si ad eas duodecim quæ cōtinue in Sicilia sunt, alias octo addiderit, quod nō erit magni operis ad quadragintas, Veneti, Ro. pon. cū sacro collegio, ut decē conferant conabunt. A Ianuensibus uero, Tum triremes uiginti, tum naues magnas quas Carracas seu Gallenos uocamus exquiremus. Sed & magnarū huiusmodi nauīū copiā reges Francie & Anglię poterunt suppeditare, habent enī non mediocrem earū numerū pauloante edificatarū. Reges quoq; Hispaniē & Portugallię grandē earū copiā afferant. Hāc autem classē prębebūt quęq; nationes, partim sumptu suo, partim cōmuni omniū collocatione & prouentibus sanctę expeditionis adiutę. Hę naues cū illis triremibus instructę, militibus Hispanis, & precipue Biscaynis, Portugalliēsis, Gallicanis, ex prouincia, Britānia, Normandia aliundeq; & itē Anglicanis, ac Italis, tormentisq; idoneis armate, stabilitate sua pro muro erunt triremibus, classēq; hostium absq; controuersia aut repellent, aut obruent. Duces aut maritimi belli, ab unaq; natione, suis quidē classib; pręficiendi sunt. Sed ad quos totius belli summa refertur, qui amplissimā potestate haberent, optandi essent Anglię & Portugallię reges, qui ambo sese sua pietate obtulerūt. Verum si rex Anglię, ob longinquitatē cōmode ire non posset, duce & imperatore Portugallię rege, contenta esset maritima expeditio. Secundo, an diuisis, an coniunctis uiribus & exercitu aggrediendus hostis sit: nō est dubiū, quin nostris unitas & coniunctio uirū, pręsertim terrestri bello sit aptior. Nam & in minore numero diuisio minuit uires animosq; quod hosti qui copijs innumerabilibus habundat, nequaquā contingeret, & in unū locū coactis copijs hostiū, erit inutilis nimia multitudo. Noster exercitus nec pro turba confusus, & uiribus ualens, nullū pugnandi discrimen pertimescet, deinde non carpere diuersa loca, sed ad

hostem protinus uel ad regiā hostilē accedere, erit & uirtutis & dignitatis, maximeq; in uniuerso bello utilitatis. Tertio quo ad iter exercitiū, & qua regione cōmode possint incedere, triplex uia proponitur, aut per Germaniā & Hungariā, comoda hac quidem, ubi ad Hungariā peruentum sit, nam per Danubiū flumen uel exercitus, & paucorū dierū itinere ab Constantinopoli exponi posset, sed hac longior & quibusdā principum forsitan parum grata, Altera per Dalmatiā & Illiricū, nō longe sere a mari, sed hac difficilissimis locis, saepe impedita est, & equitatu maxime incōmoda. Tertia quę has difficultates euitat omēs, ut per Italiā ad urbē Anconam, ac Brundusiū, Cęsarea maiestas & Christianissimus rex perueniant cum suis copijs, hinc enī satis cōmodus est transitus in Epirū & Græciā, & per amicas ambas regiones sint profecturi. Ab Ancona uero traiectus classe faciendus est, pręmissaq; parte copiarū, imperatores postea subsequi poterūt. Quarto ubi conuenire exercitus in unū, & quæ primū loca hostiū debeat inuadere: Terrestres quidē copię Anconę & Brundusij (ut diximus). Nauales uero in Sicilia conuenire debebūt. Attamē inde maiori agmine ad prędictos portus Anconę ac Brundusij cōtendere, ut inde quoq; nostras copias traducere ad hostiū littus possint. In terra autē hostili uidetur portus Dirachij oportunissimus, quāuis sit hostiū, sed nō erit captu difficilis, classē & exercitu nostris eo cōuenientibus, (quāq; totū illud littus hospitale & portuosum est,) ut futura sit facilis adbibitus locorū peritis in terram. et si opus fuerit ad portū Veneror; Cathari descēsis. Primus autē conatus nostri exercitus, uel ad ipsum ducē hostiū, uel Cōstantinopolim aggrediendā faciendus est. Caput enim petendū, quo oppresso, facilis est reliquor; omniū acquisitio, sed hoc ita, si nostrarū & hostis uirū peritū, nos paruā re senserimus, nam aliter nō esset transmissio faciēda, sed nostra potius præsidijs tuenda. Sed hac consilio & prudentia imperatorū diligētissime perpendenda sunt. Quinto de cōmeatibus, nō erit difficile prouidere, classe nostra maris dominante (ut iam dictū est) nam & mercatores tuto cō-

meabunt, & Marchia, Apulia, Calabria, Neapolis, Sicilia, magnos comeatus poterunt suppeditare, venient etiā ex Lombardia & tota fere Italia, ac etiā Gallia copiae ingētes per cōmoditates fluminū, maximeq; Padia ad mare deuecta, atq; inde facile ad exercitū comportata, q; vsq; ad litus parui negocij erit, a litore vero ad exercitū, quomodo tuto fieri possit, erit eorum, qui in re praesenti fuerint de liberatio. Sed illud erit curādū, vt mercatores idonei conducantur, qui hanc prouinciā deferendorū cōmeatum pro honesto lucro capiant, atq; eis potestas & nomen cōmissariorū, a locorū dominis detur, quo maiore auctoritate negociari, & ibidem curare necessaria possint. De duobus vero quae extrinsecus considerata duximus, tentare alique in infidelē principē, utpote Sophin, ad bellum hoc contra Thurcas, quibus inimicissimus esse debet, cōmunicādū forte non esset inutile, sed non in hoc magna spes a nobis, verum in deo, & viribus, consilijsq; nostris est collocanda. De diuisione vero eorū quae bello acquiruntur, sic iuste facienda, vt nemo cōqueri, nec dissensionē querere iure possit, videtur esse cōmodissimū, nā nunc iudices & arbitros huius diuisionis eligere, puta Romanū pontificē, & sacrum collegium, aut alios cōmuniter a principibus constituendos, qui confecto bello iudicare haberent secundū rationē propositūis sumptus, & laboris, in hoc bellum impensū, vel alia praescripta, & ab omnibus accepta ratione, quorū iudicio omnes stare deberēt, sub poenis supra in iudicijs appositis, vel si illa sancta confraternitas fieret, quae recuperarent, cōmuniter ab ea tenerentur, p. indiuiso, quousq; per eandem deputati iudices, determinarent, diuidere autē res antequā partē sint, in congruū. Et postea finito bello, ad dissensiones venire periculofum, hoc autē modo vnusquisq; iam sciret fere quid ad se venturum esset, & nunc operam tempusq; in hac diuisione alienarū adhuc rerū, non cōtineret. Haecenus nostrae sunt in singulis capitibus supra propositis dictae sententiae. Nunc quaedā praeterea addemus, Si enim fieri posset, vt Hungarie & Polonię reges paratis exercitibus, Thurcam ex ea parte inuaderēt, nō est dubiū,

quin multum proficeretur ad bellū conficiendū, magnus enim inde terror inijceretur hosti, eiusq; vires distraherentur. Itaq; sunt illi quidē cohortandi & incitadi, auxilijsq; illis danda, sed ita vt de eo exercitu, & de ea apparatiōe quā diximus, nihil omnino imminuatur, in hac enim neruus, & vis, & spes belli ac victoriā sita est, verum si sine huius apparatū detrimēto, pecuniae ex cruciatis & decimis, ab illis extremis nationibus, Noruegie, Dacie, Saxoniae, illis attribui possent, quibus exercitū alerent. esset id rebus nostris adiumento magno. Item si praeter eum exercitum quē supra vnitate coniunctū esse voluimus, tāta praeterea militum copia esset, vt pluribus locis impetus in hostium fines fieri, praesidia crebris in locis disponi possent, quis nō videat hoc vtilissimū nostris rebus futurum, sed ea tātum quae necessaria ad bellum & ad victoriā essent, fieri oportere diximus. Haec reliqua adiumenta sunt optanda, quae tamen in domino confidimus habundantius etiam affutura. Quis enim erit nobili ingenio aut animo vir, qui non accēsus cupiditate verae gloriae, ad hoc bellum studeat propere? Quis cupidus rerū visendarū, qui hac occasiōe oblata, suis armis arreptis, nō iter aggrediat? Quis studio acquirendi praeditus, qui non ad tantam predā conuolet? Quis deniq; virtuti & fortitudini suae fidens, qui nō eam in hoc pulcherrimo & sanctissimo opere, & deo & hominib; velit cōprobare? Nam illa quae sunt maxima, honor, & amor dei, salus verē fidei, coelestis patriae potiundae cupiditas, omnes pariter cōmouere debebunt. Principes vt suas opes & auctoritatē, fortes viros, vt suam virtutē, reliquos vero, vt partem suarū facultatū, in cōmunem consensum & preclaram hanc societate dei & hominum conferant, ad acquirendum sibi premiū sempiternum. Nam quamq; hostis & potens vehementer & ferox sit, tamen hominū uirtute & militū robore ac disciplina, longe nobis inferior est, quae in bellis ualent maxime, ut deus modo preces nostras benignis auribus admittat, sit nobis uictoria pro certo expectanda. Non ergo deerunt nec opum nec uiro- rum magna subsidia, clarissimorū regū suorum & princi-

pū uirtutē atq; exemplum omēs imitabuntur, qui quidē
 principes nō longo labore, nec maximo sumptu, & suam
 augebunt hac uictoria dignitatem, & fidem dei sui illustra-
 bunt, & patrimonium Christi amplificabūt, digni qui ab
 ipso deo in tam excelsū honorem regalis solij sublati fu-
 erūt, cum grati deo sint futuri, qui hoc opere, hōe sanctissi-
 mo bello cōsequentur, ut prāter amplificationē opum su-
 arum, sempiternam laudem suę uirtutis inter homines fe-
 rant, eorum autem nomina in coelis scribantur.

Priora transferunt. M.D.XVIII.



